

neant et exempta de nostra dependeat gracia speciali, Prohibemus insuper firmiter et districte ne quis cuiuscunque condicionis aut status ipsas uel bona ipsarum contra tenorem presencium presumat aliqualiter impedire. Datum apud ecclesiam gaarwidhi Anno domini M CCC XL secundo die beati petri in cathedra.

3629.

1342 d. 24 Febr.

Aranäs.

LARS ULESSON och hans hustru INGRID ANUNSDOTTER testamentera till Alvastra kloster, der de välja sin graf, jordegendomar i Svärdinge, Mädalby, m. fl. och 2 hus med 4 qvarnar i Norrköping, hvilka egendomar öfverlätas till klostret, lika som de i ett föregående testamente gifna gods; bestämma dag för deras årsbegängelse m. m.

Orig. på perg. i Sv. Riks Arch.

IN nomine patris. et filii et spiritus sancti Amen. Quoniam morte nichil cercius. ac ipsius mortis hora. nichil incercius. humaneque condicionis indigencia. celestis patrie reditum repetit et exoptat. Nos laurencius wlpsson. nec non et dilecta Consors mea. Ingridis anunda dottyr. mentibus compotes. et corporibus sani. mortem nostram. misericordie operibus intendimus preuenire. De bonis igitur nobis a deo concessis. Testamentum nostrum condimus et disponimus in hunc modum. Primo. Monasterio aluastrum. vbi nostram eligimus sepulturam. conferimus vnum attongum terre in swærdinghæ. infra sepes et extra. cum pratis. agris. siluis. piscariis. et omnibus sibi adiacenciis. Qui eciam soluit annuatim. octo thyniones annone. et vnam marcham denariorum. Item. Eidem monasterio. duos attungos cum dimidio. in Mæpalby. cum omnibus sibi adiacenciis. infra sepes et extra. qui annuatim soluunt. decem thyniones. vno modio minus cum dimidio et nouem oras et duos solidos cum duobus denariis. Item. Eidem monasterio. quartam partem attungi in wadhby cum omnibus suis adiacenciis. infra sepes et extra. qui annuatim soluit vnum thynionem annone et vnam oram denariorum. Item. Eidem monasterio. dimidium attungum in gilberghum cum omnibus suis pertinenciis. infra sepes et extra. qui annuatim soluit quinque modios annone cum viginti denariis. Item eidem monasterio. duos attungos in swinasætrom. cum pratis. agris. siluis. piscariis. et omnibus suis adiacenciis. infra sepes et extra. qui annuatim soluunt duas marcas denariorum. Item Eidem monasterio. dimidium attungum cum octaua parte vnus attungi in skyrtingæ. cum omnibus suis adiacenciis infra sepes et extra. qui annuatim soluunt quindecim modios annone. et tres oras denariorum. Item. dicto monasterio. duas domus cum qua-

tuor molendinis norkopie situatis ex parte australi ampnis perpetuo conferimus possidendas. Insuper nouerint vniuersi. quod dictis monachis in aluastro committimus in plenaria potestate auctoritatem. dicta bona. ipsis per nos tam rite et legitime legata. commutandi et vendendi. et ad vtilitatem sui monasterii ordinandi adque(!) disponendi. Volumus eciam vt si Nos tam remote a predicto monasterio mori contingerit.(!) vt funera nostra illuc transferri nequeant. quod auertat deus. nichilominus tamen ista donacio. tam legaliter facta et acta. ipsi monasterio cedat. iure perpetuo possidenda. Insuper. Cuilibet Ecclesie. in cuius parrochia curiam edificatam possidemus. duas marchas denariorum conferimus. vnā Ecclesie. et alteram curato. Notificamus insuper omnibus. quod bona quidem. scilicet. dictis monachis in aluastro. prout litterarum nostrarum tenor lucidius sonat contulimus. in priori testamento nostro. quod nunc isto testamento superueniente nullius sit momenti. et rationabiliter assignauimus. que quidem bona vna cum istis. que nunc conferimus. scilicet. presenti scripto. eis adiudicamus. appropriamus. et in eorum dominium perpetuo iure legitime transferimus et irreuocabiliter ratificamus. Rogantes et uolentes. vt nullus heredum nostrorum seu cognatorum vel liberorum nostrorum. donacionem istam. quam non leui mentis impulsu. sed deliberacione diligenti adhibita. amicorum et cognatorum consilio fecimus. audeat inpetere vel quomodolibet voluntatem nostram infringere presumit. ne saluti animarum nostrarum et liberorum nostrorum ibidem requiescencium sit contrarius adque reus. Nouerint igitur vniuersi quod bona sepedicto monasterio. tali racione per nos sunt legata. quod anniuersarium nostrum. sequenti die post anniuersarium domine Cristine fastonis quondam filie. cum vigiliis et missis omni anno in conuentu celebretur. Vt hec donacio eo sit firmior quo maiori discretorum suffulta fuerit noticia. siggillum meum. vna cum siggillis. dilecte consortis mee Ingridis anunda dottyr et domini iohannis knuzson et predilecte consortis sue. domine Elene filie mee. et karissimorum filiorum meorum. wlphonis hamo et hongeri hamo. et birgheri alguzson. et dilecte consortis sue. domine Cristine filie mee. duximus apponenda. Datum in curia nostra æærænøs. anno domini. M. CCC. XL. secundo. in die beati Mathie apostoli.

*På frånsidan:* Testamentum domini Laurencij wlps son et de swerdinghe et insula ibidem.

Sigillen: N:o 1, 3—6 borta, remsorna qvar; N:o 2 ... gridis vxoris d'o Lav... (en stående qvinna håller i högri handen en hjälm i den venstra en sköld med 3 stengafflar).